

ԾԱՆՈԹՅԱԳԻՐ

Սույն ծանուցագրով դուք տեղեկացվում եք, որ համաձայն մաքսային մարմնի կողմից ստացված տեղեկությունների Ձեր կողմից 09.01.2022թ. ՀՀ տարածք է ներմուծվել ապրանքատեսակներ, ինչի արդյունքում գերազանցվել է ՀՀ կառավարության 2020թ. փետրվարի 13-ի թիվ 171-Ն որոշման N 1 հավելավածով սահմանված ակնհայտ առևտրային չափաքանակները:

Դուք ՀՀ հարկային օրենսգրքի 59-րդ հոդվածի 6-րդ կետի համաձայն պարտավոր եք ՀՀ կառավարության սահմանված չափաքանակը գերազանցող մասի համար հարկային մարմին ներկայացնել ներմուծման հարկային հայտարարագիր ու վճարել ավելացված արժեքի հարկ՝ մինչև ապրանքները ՀՀ տարածք փաստացի ներմուծելու օրն ընդգրկող ամսվան հաջորդող 20-ը ներառյալ, ինչը Ձեր կողմից չի իրականացվել:

Հարկային պարտավորությունների հաշվարկման վերաբերյալ թիվ N440/2022/ԿՈՒՎ4/Ա արձանագրության համաձայն՝ Ձեր չկատարված հարկային պարտավորությունը 08.04.2022թ. դրությամբ կազմել է 55.228 դրամ:

<Վարչարարության հիմունքների և վարչական վարույթի մասին> ՀՀ օրենքի 30-րդ հոդվածի 1-ին մասի <բ> կետի համաձայն, ՀՀ պետական եկամուտների կոմիտեի իրավաբանական վարչությունում հարուցվել է վարչական վարույթ՝ չկատարված հարկային պարտավորությունները գանձելու վերաբերյալ <Վարչարարության հիմունքների և վարչական վարույթի մասին> ՀՀ օրենքի 7-րդ գլխով սահմանված կարգով վարչական ակտ ընդունելու նպատակով:

Ուստի, ի կատարումն <Վարչարարության հիմունքների և վարչական վարույթի մասին> ՀՀ օրենքի 29.1-րդ և 38-րդ հոդվածներով վարչական մարմնին վերապահված պարտականությունների, առաջարկում ենք սույն ծանուցագիրը ստանալու օրվան հաջորդող 3-րդ օրը, ժամը 11:00 ներկայանալ վարչական վարույթի լուծմանը, կամ մինչև նույն ժամկետը ներկայացնել վերը նշվածի վերաբերյալ Ձեր գրավոր բացատրությունը և <կամ> առարկությունը հետևյալ հասցեով՝ ք. Երևան Ս.Դավիթ 87ա, 4-րդ հարկ 401 սենյակ:

Եթե սույն ծանուցագիրը ստանալու օրվան հաջորդող 3- րդ օրը համընկնում է ոչ աշխատանքային օրվա հետ, ապա վարչական վարույթի լուծմանը ներկայանալ հաջորդող առաջին աշխատանքային օրը՝ ժամը 11:00 կամ մինչև նույն ժամկետը ներկայացնել վերը նշվածի վերաբերյալ Ձեր գրավոր բացատրությունը և <կամ> առարկությունը հետևյալ հասցեով՝ ք. Երևան Ս.Դավիթ 87ա, 4-րդ հարկ 401 սենյակ: Չներկայանալու դեպքում գործը կարող է քննվել Ձեր բացակայությամբ:

Միաժամանակ առաջարկվում է ՀՀ հարկային օրենսգրքով սահմանված կարգով հաշվարկել և հարկային մարմին ներկայացնել գործարքին վերաբերող ներմուծման հարկային հայտարարագիր և վճարել պարտավորությունները:

ՀՀ ՊԵԿ իրավաբանական վարչության
հարկադիր գանձման և պարտավորությունների
կատարման ապահովման բաժնի
գլխավոր մասնագետ
հեռ.010 309191 /9131/

Ս. Ալեքսանյան
13.11.2023թ.

